

Marmoutier Cartulaire blésois, 21

Otbertus serviens comitis Tetbaldi calumniatus est Ernaldum rusticum, habitantem apud fontem merlandi, quod fuisset de villanis qui pertinebant ad curtem de medumna, qui solebant reddere commandisiam comiti Tetbaldo; de qua re tenuit placitum Guarinus prepositus blesensis, in quo arrannuit Ernaldus contra Otbertum jurare et deffendere se non pertinere ad curtam illam de Medumna, nec unquam dedisse alicui commendisiam nisi monachiis sancti Martini. Quando venit terminus pugne habuit filium suum Rainardum preparatum ad pugnam, quos duxerunt domnus Fulbertus et domnus Rotbertus, monachi nostri, ante prepositum, et obtulerunt juuenam ad pugnam tenentem in manibus scutum suum et baculum. Cumque moueret prepositus Otbertum de pugna, recusavit dicens se nolle pugnare de re quam certe non sciret. Hoc audiens prepositus clamavit monachiis nostris villanum nostrum solutum et quietum, cum omni prole sua in perpetuum. Et precepit Otberto ut redderet illi peccuniam quam per istam occasionem ei abstulerat. Hoc factum est apud blesim sub ulmo ante aulam comitis. Testibus istis Guicherio, Asthone borrello, Rotberto expiardo nepote eius, Guillelmo, Ascelino nepote Jotberti de Calmonte, Ascelino et Belino, Haimérico maiore de medumna.